

Sagafilm ehf.
Urðarhvarf 14
203 Kópavogur

Reykjavík, 31. ágúst 2020
UST202008-172/H.H.
09.06.01

Efni: Umsókn um kvikmyndatökuleyfi – Dyrhólaey - Breyting

Umhverfisstofnun hefur mótttekið umsókn Sagafilm ehf., dagsett 28. ágúst 2020, um leyfi til kvikmyndatöku í Dyrhólaey.

Dyrhólaey er friðlýst sem náttúruvætti sbr. auglýsing nr. 101/1978. Óheimilt er að trufla dýralíf á svæðinu. Mannvirkjagerð og jarðrask er óheimil nema með leyfi Umhverfisstofnunar. Almenningsi er heimil för um eyjuna í lögmætum tilgangi en leyfi þarf til að tjalda.

Lýsing verkefnis:

Óskað er eftir því að breyta leyfi sem synjað var af Umhverfisstofnun þann 28. ágúst 2020. Óskað er eftir að færa tókustaðin og vera við bílastæðið eða við vitann í nálægð við útsýnisvall. Taka á upp manneskju tjalda í Dyrhólaey einn dag á tímabilinu 2. – 5. september 2020. Áætlað er að tókur taki um 3 tíma og munu 20 starfsmenn koma að verkefninu. Öllum farartækjum verður lagt á bílastæðum og gengið á tókustað. Setja þarf upp ljósabúnað ásamt því að festa niður tjaldið.

Áhrifamat:

Umhverfisstofnun telur að ný staðsetning muni ekki hafa neikvæð áhrif á verndargildi svæðisins. Svæðin sem óskað er eftir að vera á nú er ekki lokað af og engin hætta á grjóthruni og gróðureyðingu líkt og var í áhyggjuefni í fyrri umsókn.

Skilyrði:

Umhverfisstofnun veitir Sagafilm ehf., fyrir sitt leyti leyfi fyrir kvikmyndatöku í Dyrhólaey sbr. lýsingu hér að ofan 2. - 5. september 2020 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Þar sem þörf er á að fara út fyrir göngustíga/vega skal þess gætt að valda sem minnstu raski og fjarlægja öll ummerki um athafnir utan göngustíga/vega að verkefni loknu.

- Virða skal umgengnisreglur sem gilda um svæðið.
- Koma skal fyrir merkingum á tókustað um að leyfi fyrir verkefninu hafi fengist hjá Umhverfisstofnun.
- Kvikmyndatökuliðið skal sýna öðrum gestum svæðisins tillitssemi og tryggja að tókurnar valdi eins litlu ónæði og hægt er. Færri gestir heimsækja svæðið snemma morguns og síðdegis.
- Halda skal stærð framkvæmdarsvæði í lágmarki og gæta að ekki verði óþarfa gróðureyðing á svæðinu.
- Óheimilt er að trufla dýralíf.
- Allur akstur utan vega er bannaður.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Umhverfisstofnun mælist til þess að taka skuli á loft og lenda ómönnuðu loftfari í öruggri fjarlægð frá gestum svæðisins skv. reglugerð um ómönnuð loftför nr. 990/2017

Að öðru leyti skal haga flugi ómannaðra loftfari í samræmi við reglugerð nr. 990/2017, um starfrækslu fjarstýrðra loftfara.

Umhverfisstofnun bendir á að dróna sem notaðir eru í atvinnuskyni þarf að skrá sérstaklega hjá Samgöngustofu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfisgjald:

Umhverfisstofnun hefur nú þegar innheimt gjald fyrir vinnslu og afgreiðslu umsóknar.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Hildur Hafbergsdóttir

Hildur Hafbergsdóttir
sérfræðingur

Magnús Freyr Sigurkarlsson

Magnús Freyr Sigurkarlsson
sérfræðingur